

唐雅卷之三目錄

雅音中 古體一 作者姓氏

射洪陳氏子昂 伯王

蒲坂薛氏稷 嗣通

曲江張氏九齡 子壽

孟氏浩然

李氏太白

李氏頎

崔氏顥

陶氏翰

劉氏春虛

荆南薛氏據

宋州崔氏曙

崔氏國輔

汶水盧氏象 縉 卿

王氏摩詰

諸氏光義

王氏少伯

洛陽賈氏至 幼隣

張氏正言

高氏達夫

岑氏參

句容沈氏如筠

杜氏子美

常氏建

劉氏文房

錢氏 仲文

韋氏 應物

韓氏 退之

柳氏 子厚


古體五言起於漢亦雄於漢唐陳李常柳諸子渾涵  
冲澹其格雖與漢殊而意與當與魏晉並長不媿於  
漢故列為雅音中 續宗識

唐雅卷之三目錄

唐雅卷之三

雅音中

古體



蘭若之什二之一

感寓

蘭若生春夏芊蔚何青青幽獨空林色朱蕤冒紫莖  
遲遲白日晚嫋嫋秋風生歲華盡搖落芳意竟何成  
二

白日每不歸青陽時暮矣茫茫吾何思林卧觀無始  
衆芳委時晦鷓鴣鳴悲耳鴻荒古已頽誰識巢居子

三

吾愛鬼谷子青谿無垢氛囊括經世道遺身在白雲  
七雄方龍鬪天下亂無君浮雲不足貴遵養晦時文  
舒之彌宇宙卷之不盈分豈徒山木壽空與麋鹿羣

四

樂羊為魏將食子殉軍功骨肉且相薄他人安得忠  
吾聞中山相乃屬放麇翁孤獸猶不忍况以奉君終

五

市人矜巧智於道若童蒙傾奪相夸侈不知身所終  
曷見玄冥子觀世玉壺中窈然遺天地乘化入無窮

六

林居病時久水木澹孤清閒臥觀物化悠悠念無生  
青春始萌達朱火已滿盈殂落方自此感歎何時平

七

臨岐泣世道天命良悠悠昔日殷王子玉馬遂朝周  
寶鼎淪伊穀瑤臺成古丘西山傷遺老東陵有故侯

八

貴人難得意賞愛在須臾莫以心如玉采他明月珠  
昔稱天桃子今為春市徒鷓鴣悲東國麋鹿泣姑蘇  
誰見鴟夷子扁舟去五湖

唐雅 卷三 二 文三 山堂  
玄天幽且嘿羣議曷嗤嗤聖人教猶在世運久陵遲  
一繩將何繫憂醉不能持去去行采芝勿為塵所欺

十

蜻蛉遊天地與物本無患飛飛未能止黃雀來相干  
穰侯富秦寵金石比交驩出入咸陽裏諸侯莫敢言  
寧知山東客激怒秦王肝布衣取卿相千載為辛酸

十一

翡翠巢南海雄雌珠樹林何知美人意嬌愛比黃金  
殺身炎州裏委羽玉堂陰旖旎光首飾歲<sub>生</sub>爛錦衾  
豈不在遐遠虞羅終見尋多材信為累歎息此珍禽

十二

玄蟬號白露茲歲已蹉跎羣物從大化孤英將柰何  
瑤臺有青鳥遠食玉山禾崑崙見玄鳳豈復歎雲羅

十三

荒哉穆天子好與白雲期宮女多怨曠曾城閉蛾眉  
日耽瑤臺樂豈傷桃李時青苔空委絕白髮生羅帷

十四

朝發宜都渚浩然思故鄉故鄉不可見路隔巫山陽  
巫山綵雲沒高丘正微茫竚立望已久涕淚霑衣裳  
豈茲越鄉感憶昔楚襄王朝雲無處所荆國亦淪亡

十五

謁來豪游子勢利禍之門如何蘭膏歇感激自生冤  
衆趨明所避時棄道猶存雲泉既已失羅網與誰論  
箕山有高節湘水有清源惟應白鷗鳥可與洗心言

十六

可憐瑤臺樹灼灼佳人姿碧華映朱實攀折青春時  
並不盛光寵榮君白玉墀但恨紅芳歇雕傷感所思

十七

朔風吹海樹蕭條邊已秋亭上誰家小哀哀明月樓  
自言幽燕客結髮事遠遊赤丸殺公吏白刃報私讐

十八

避仇至海上被役此邊州故鄉三千里遼水復悠悠  
每憤胡兵入常為漢國羞何知七十戰白首未封侯  
昔日章華宴荆王樂荒淫霓旌翠羽蓋射兕雲臺林  
謁來高堂觀悵望陽雲岑雄圖今若此黃雀空哀吟  
居延古城贈喬十二知之

聞居東山音宿昔紫芝榮滄洲今何在華髮旅邊城  
還漢功既薄逐胡策未行徒嗟白日暮坐對黃雲生  
桂枝芳欲晚蕙苾諉誰明無為空自老含嘆負生平

鴛鴦篇

飛飛鴛鴦鳥舉翼相蔽虧俱來綠潭裏共向白雲涯  
音容相眷戀羽翮兩逶迤蘋萍戲春渚霜霞繞寒池  
浦沙連岸淨汀樹拂潭垂年年此遊翫歲歲來追隨  
鳳凰起丹穴獨向梧桐枝鴻雁來紫塞空憶稻粱肥  
鳥啼倦永夕鶴鳴傷別離豈若此雙禽飛翻不異林  
刷毛清江浦交頸紫山岑文章負奇色和鳴皆好音  
聞有鴛鴦綺復有鴛鴦衾持為美人贈勗此故交心

陳拾遺子昂廿首

秋日還京陝西十里作

驅車赴陝郊北顧臨大河隔河見鄉邑秋風水增波

西登咸陽途日暮憂思多傳岩既鬱紆首山亦差峩  
操築無昔老採薇有遺歌客遊既迴換人生知幾何

薛少保稷一首

感遇

魚游樂深池鳥栖欲高枝嗟尔蜉蝣羽薨薨亦何為  
有生豈不化所感亦若斯神理日微滅吾心安得知  
浩蕩楊朱子徒然泣路岐

幽林歸獨臥滯慮洗孤清持此謝高鳥因之傳達情  
日夕懷空意人誰感至精飛沉理自隔何以慰吾誠

三

孤鴈海上來池潢不敢頤側耳雙翠鳥巢在三株樹  
矯矯珎木巔得無金丸懼美服患人指高明逼人惡  
今我遊冥冥弋者何所慕

漢上有遊女求思安可得袖中一劄書欲寄雙飛翼  
冥冥愁不見耿耿徒緘憶紫蘭秀空蹊皓露奪幽色  
馨香歲欲晚感嘆情何極白雲在南山日暮長太息

張曲江子壽四首

尋香山湛上人

朝遊訪名山山遠在空翠氛氲亘百里日入行始至  
谷口聞鐘聲林端識香氣杖策尋故人解鞍暫停騎

石門殊豁險篁徑轉森邃法侶欣相逢清談曉不寐  
平生慕真隱累日探多異野老朝入田山僧莫歸寺  
松泉多逸響苔壁饒古意願言投此山身世兩相棄

過龍泉精舍

亭午聞山鐘起行散愁寂尋林採芝去谷轉松羅密  
旁見精舍開長廊飯僧畢石渠流雪水金子耀霜橘  
竹房思舊遊過憇終永日入洞窺石髓傍崖採蜂密  
日暝辭遠公虎溪相送出

登蘭山寄張立

北山白雲裏隱者自怡悅相望始登高心隨飛鴈滅



愁因薄莫起興是清秋發時見歸村人平沙渡嶺歇  
天邊樹若薺江畔洲如月何當載酒來共醉重陽節  
宿業師山房待丁公不至

夕陽度西嶺群壑倏已暝松月生夜涼風泉滿清聽  
樵人歸欲盡烟鳥栖初定之子期宿來孤琴候籟逕  
聽鄭五惜琴

阮籍推名飲清風吹竹林半酣下衫袖拂拭龍唇琴  
一杯彈一曲不覺夕陽沉余意在山水聞之諧夙心  
送從弟下第後歸會稽

疾風吹征帆倏爾向空沒千里去俄頃三江坐超忽  
向來共歡娛日夕成楚越落羽更分飛誰能不驚骨  
歲莫海上作

仲尼既已沒予亦浮于海昏見斗柄迴方知歲星改  
虛舟任作適垂釣非有待為問乘槎人滄洲復何在  
晚泊潯陽望香鑪峰

挂席幾千里名山都未逢泊舟潯陽郭始見香鑪峯  
嘗讀遠公傳永懷塵外縱東林精舍近日暮坐聞鐘  
孟襄陽浩然八首

古風

大雅久不作吾衰竟誰陳王風委蔓草戰國多荆榛

龍虎相啖食兵戈建狂秦正聲何微茫哀然起騷人  
揚馬激頽波開流蕩無垠廢興雖萬變憲章亦已淪  
自從建安來綺麗不足珍聖代復元古垂衣貴清貞  
群才屬休明乘運共躍鱗文質相炳煥衆星羅秋旻  
我志在刪述垂輝映千春希聖如有立絕筆於獲麟

二

太白何蒼蒼星辰上森列去天三百里邈尔與世絕  
中有綠髮翁披雲臥松雪不笑亦不語宜栖在岩穴  
我来逢真人長跪問寶訣粲然啓玉齒授以鍊藥說  
銘骨傳其語竦身已電滅仰望不可及蒼然五情熱

吾將營丹砂永與世人別

齊有侗儻生魯連特高妙明月出海底一朝開光耀  
却秦振英聲後世仰末照意輕千金贈願向平原笑  
余亦澹蕩人拂衣可同調

松栢本孤直難為桃李顏昭昭嚴子陵垂釣滄波間  
身將客星隱心與浮雲閒長揖萬乘君還歸富春山  
清風灑六合邈然不可攀使我長嘆息冥栖岩石間

五

我到巫山渚尋古登陽臺天空采雲滅地遠清風來  
神女去已久襄王安在哉荒淫竟淪替樵牧徒悲哀

六

蟾蜍薄太清蝕此瑤臺月圓光虧中天金魄遂淪沒  
蟬螻入紫微大明夷朝輝浮雲隔兩耀萬象昏陰霏  
蕭蕭長門宮昔是今已非桂蠹花不實天霜下嚴威  
沈嘆終永夕感我涕霑衣

天津三月時于門桃與李朝為斷腸花莫逐東流水  
前水復後水古今相續流新人非舊人年年橋上遊  
雞鳴海色動謁帝羅公侯月落西上陽餘輝半城樓  
衣冠照雲日朝下散皇州鞍馬如飛龍黃金絡馬頭  
行人皆辟易志氣橫高丘入門上高堂列鼎錯珍羞

香風引趙舞清管隨齊謳七十紫鴛鴦雙雙戲庭幽  
行樂爭晝夜自言度千秋功成身不退自古多愆尤  
黃犬空嘆息綠玕成累讎何如鴟夷子散髮棹扁舟

八

代馬不思越越禽不戀燕情性有所習風土固其然  
昔別鴈門關今戍龍庭前驚沙亂海日飛雪迷胡天  
蟣蟲生虎鶻心魂逐旌旄若戰功不賞忠誠難可宣  
誰憐李飛將白首沒三邊

羽檄如流星虎符合專城喧呼救邊急群鳥皆夜鳴  
白日曜紫微三公運權衡天地皆得一澹然四海清

借問此何為  
答言楚徵兵  
渡瀘及五月  
將赴雲南征  
怯卒非戰士  
炎方難遠行  
長號別嚴親  
日月慘光晶  
泣盡繼以血  
心摧兩無聲  
困獸當猛虎  
群魚餌奔鯨  
千去不一回  
投軀豈全生  
如何舞干戚  
一使有苗平

十

秦皇按寶劍  
赤怒震威神  
逐日巡海右  
驅石架滄津  
徵卒空九寓  
作橋傷萬人  
但求蓬島藥  
豈思農扈春  
力盡功不贍  
千載為悲辛

殷后亂天紀  
楚懷亦已昏  
夷羊滿中野  
葦菴盈高門  
比干諫而死  
屈平竄湘源  
虎口何婉變  
女嬃空嬋媛

彭咸久淪沒  
此意與誰論

咸陽二三月  
宮柳黃金枝  
綠幘誰家子  
賣珠輕薄兒  
日暮醉酒歸  
白馬驕且馳  
意氣人所仰  
冶遊方及時  
子雲不曉事  
晚獻長楊辭  
賦達身已老  
草玄髮若絲  
投閣良可歎  
但為此輩嗤

燕昭延郭隗  
遂築黃金臺  
劇辛方趙至  
鄒衍復齊來  
柰何青雲士  
棄我如塵埃  
珠玉買歌笑  
糟糠養賢才  
方知黃鵠舉  
千里獨徘徊

邱客吟白雪  
遺響飛青天  
徒勞歌此曲  
舉世誰為傳  
試為巴人唱  
和者乃數千  
吞聲何足道  
歎息空凄然

十五

越客採明珠提携出南隅清輝照海月美價傾皇都  
獻君君按劔懷寶空長吁魚目復相哂寸心增煩紆

十六

綠羅紛歲蕤繚繞松柏枝草木有所託歲寒尚不移  
柰何夭桃色坐嘆葑菲詩玉顏艷紅彩雲髮非素絲  
君子恩已畢賤妾將何為

世道日交喪澆風散淳源不采芳桂枝反棲惡木根  
所以桃李樹吐花竟不言大運有興沒群動爭飛奔  
歸來廣成子去入無窮門

鳳饑不啄粟所食唯琅玕焉能與群雞刺蹙爭一餐  
朝鳴崑丘樹夕飲砥柱湍歸飛海路遠獨宿天霜寒  
幸遇王子晉結交青雲端懷恩未得報感別空長嘆

十九

燕臣昔慟哭五月飛秋霜庶女號蒼天震風擊齊堂  
精誠有所感造化為悲傷而我意何辜遠身金殿傍  
浮雲蔽紫闥白日難回光群沙穢明珠衆草凌孤芳  
古來共嘆息流淚空霑裳

青春流驚馬湍朱明驟回薄不忍看秋蓬飄揚竟何託  
光風滅蘭蕙白露洒葵藿美人不我期草木日零落

唐雅 卷三 十一  
羽族稟萬化小大各有依周周亦何辜六翮掩不揮  
願銜衆禽翼二向黃河飛飛者莫我頌嘆息將安歸

二十一

莊周夢胡蝶胡蝶為莊周一體更變化萬事良悠悠  
乃知蓬萊水復作清淺流青門種瓜人舊日東陵侯  
富貴固如此營營何所求

君平既棄世世亦棄君平觀變窮太易探元化群生  
寂寞綴道論空簾閉幽情騶虞不虛來鸞鷲有時鳴  
安知天漢上白日懸高名海客去已久誰能測沉冥

擬古

涉江弄秋水愛此荷花鮮攀荷弄其珠蕩漾不成圓  
佳期絲雲重欲贈隔遠天相思無由見悵望涼風前

贈盧司空

秋色無遠近出門盡寒山白雲遙相識待我蒼梧間  
借問盧耽鶴西飛幾歲還

贈秋浦柳少府

秋浦舊蕭索公庭人吏稀因君樹桃李此地忽芳菲  
搖筆望白雲開簾當翠微時來引山月縱酒酣清輝  
而我愛夫子淹留未忍歸

贈何七判官曷浩

唐詩 卷三 十一 文山堂  
有時忽惆悵，匡坐至夜分。平明空嘯咤，思欲解世紛。  
心隨長風去，吹散萬里雲。羞作濟南生，九十誦古文。  
不然拂劍起，沙漠收竒勳。老死阡陌間，何因揚清芬。  
夫子今管樂，英才冠三軍。終與同出處，豈將沮溺群。

以詩代書答元丹丘

青鳥海上来，今朝發何處。口銜雲錦字，與我忽飛去。  
鳥去凌紫烟，書留綺窓前。開緘方一笑，乃是故人傳。  
故人深相勗，憶我勞心曲。離居在咸陽，三見秦草綠。  
置書雙袂間，引領不輟聞。長望杳難見，浮雲橫遠山。  
讀諸葛武侯傳，懷贈長安崔少府叔封昆季。

漢道昔云季，群雄方戰爭。霸圖各未立，割據資豪英。  
赤符起頽運，卧龍得孔明。當其南陽時，隴畝躬自耕。  
魚水三顧合，風雲四海生。武侯立岷蜀，壯志吞咸京。  
何人先見許，但見崔州平。余亦草間人，頗懷拯物情。  
晚途值子玉，華髮同衰榮。託意在經濟，結交為弟兄。  
母令管與鮑，千載獨知名。

贈崔司戶文昆季

雙珠出海底，俱是連城玕。明月兩特達，餘輝傍照人。  
英聲振名都，高價動殊隣。豈伊箕山故，特以風期親。  
唯昔不自媒，擔簦西入秦。攀龍九天上，忝列歲星臣。

布衣侍丹墀密勿草絲綸才微惠渥重讒巧生緇磷  
一去已十年今來復盈旬清霜入曉鬢白露生衣巾  
側見綠水亭開門列華茵千金散義士四坐無凡賓  
欲折月中桂特為寒者薪路傍已竊笑天路將何因  
垂恩倘丘山報德有微身

訓崔五郎中

朔雲橫高天萬里起秋色壯士心飛揚落日空嘆息  
長嘯出原野凜然寒風生幸遭聖明時功業猶未成  
柰何懷良圖鬱悒獨愁坐杖策尋英豪立談乃知我  
崔公生民秀緬邈青雲姿制作參造作託諷含神祇  
海嶽尚可傾吐諾終不移是時霜飈寒逸興臨華池  
起舞拂長劍四座皆揚眉因得窮歡情贈我以新詩  
又結汗漫期九垓遠相待舉身憇蓬壺濯足弄滄海  
從此凌倒景一去無時還朝遊明光宮莫入閭闔關  
但得長把袂何必嵩丘山

經亂後將避地剡中留贈崔宣城

雙鵝飛洛陽五馬渡河徼何意上東門胡雛更長嘯  
中原走豺虎烈火焚宗廟太白晝經天頽陽掩餘照  
王城皆蕩覆世路成奔峭四海望長安頰眉寡西笑  
蒼生疑落葉白骨空相吊連兵似雪山破敵誰能料



我垂北溟翼且學南山豹崔子賢主人歡娛每相召  
胡牀紫玉笛却坐青雲叫楊花滿州城置酒同臨眺  
忽思剡溪去水石遠清妙雪盡天地明風開湖山貌  
悶為洛生詠醉發吳越調赤霞動金光日足森海嶠  
獨散萬古意閑垂一溪釣猿近天上啼人移月邊棹  
無以墨綬苦來求丹砂要華髮長折腰將貽陶公誚

望終南山寄紫閣隱者

出門見南山引領意無限秀色難為名蒼翠日在眼  
有時白雲起天際自舒卷心中與之然託興每不淺  
何當造幽人滅跡栖絕巘

寄東魯二子

吳地桑葉綠吳蚕已三眠我家寄東魯誰種龜陰田春  
事已不及江行復茫然南風吹歸心飛墮酒樓前樓東一  
株桃枝葉拂青烟此樹我所種別來向三年桃今與樓齊  
我行尚未旋嬌女字平陽折花倚桃邊折花不見我淚下  
如流泉小兒名伯禽與姊亦齊眉雙行桃樹下撫背復誰  
憐念此失次第肝腸日暮翦刻素寫遠意因之汶陽川

送張舍人之江東

張翰江東去正值秋風時天晴一寫遠海濶孤帆遲  
白日行欲暮滄波杳難期吳州如見月千里幸相思

唐形 卷三 五 文三山堂  
金鄉送韋八之西京

客自長安來還歸長安去狂風吹我心西掛咸陽樹  
此情不可道此別何時遇望望不見君連山起烟霧

同王昌齡送族弟襄歸桂陽

秦地見碧草楚謠對芳樽把酒爾何思鷓鴣啼南園  
余欲羅浮隱猶懷明主恩躊躇紫宮戀孤負滄洲言  
終然無心雲海上同飛翻相期乃不淺幽桂有芳根

送韓準裴政孔巢父還山

獵客張兔豕不能掛龍虎所以青雲人高歌在岩戶  
韓生信英彥裴子令清直孔侯復秀出俱與雲霞親

峻節凌遠松同衾臥磐石斧冰噉寒泉三子同二屨  
時時或乘興往往雲無心出山揖牧伯長嘯輕衣簪  
昨宵夢裏還云弄竹溪月今晨魯東門悵飲與君別  
雪崖滑去馬蘿逕迷歸人相思若烟草歷亂無冬春

登新平樓

去國登此樓懷歸傷暮秋天長落日遠水淨寒波流  
秦雲起嶺樹胡鴈飛沙洲蒼蒼幾萬里目極令人愁

望廬山瀑布水

西登香爐峯南見瀑布水挂流三百丈噴壑數十里  
欸如飛電來隱若白虹起初驚河漢落半洒雲天裏

唐羽 卷三 泰山山堂  
仰觀勢轉雄壯哉造化功海風吹不斷江月照還空  
空中亂濺射左右洗青壁飛珠散輕霞流沫拂窮石  
而我樂名山對之心益閑無論漱瓊液且得洗塵顏  
且諧宿所好永願辭人間

遊泰山

四月上泰山石屏御道開六龍過萬壑澗谷隨縈迴  
馬跡遶碧峯於今滿青苔飛流灑絕巘水急松聲哀  
北眺崿嶂竒傾崖向東摧洞門閉石扇地底興雲雷  
登高望蓬瀛想像金銀臺天門一長嘯萬里清風來  
玉女四五人飄飄下九垓含笑引素手遺我流霞杯

稽首再拜之自媿非仙才曠然小宇宙棄世何悠哉

蘇武

蘇武在匈奴十年持漢節白鴈上林飛空傳一書劄  
牧羊邊地苦落日歸心絕渴飲月窟水饑餐天上雪  
東還沙塞遠北愴河梁別泣把李陵衣相看淚成血

金陵鳳凰臺置酒

置酒延落景金陵鳳凰臺長波寫萬古心與雲俱開  
借問徃昔時鳳凰為誰來鳳凰去已久正當今日迴  
明君越羲軒天老坐三台豪士無所用彈絃醉金罍  
東風吹出花安可不盡杯六帝沒幽草深宮冥綠苔

置酒勿復道歌鐘但相催

望月有懷

清泉映踈松不知幾千古寒月搖清波流光入窓戶  
對此空長吟思君意何深無因見安道興盡愁人心

春日醉起言志

處世若太夢胡為勞其生所以終日醉頽然卧前楹  
覺來眴庭前一鳥花間鳴借問此何時春風語流鶯  
感之歆嘆息對酒還自傾浩歌待明月曲盡已忘情

李翰林大白四十三首

送少府東溪泛舟

登岸還入舟水禽敬馬笑語晚葉低衆色濕雲帶殘暑  
落日乘醉歸溪流復幾許

塞下曲

黃雲鴈門郡日暮風沙裏千騎黑貂裘皆稱羽林子  
金笳吹朔雪鋏馬嘶雲水帳下飲蒲萄平生寸心定  
題綦母校書田居

常稱挂冠吏昨日歸滄州行客莫帆遠主人庭樹秋  
豈伊問大命但歆為山遊萬物我何有白雲空自幽  
蕭條江海上日夕見丹丘生事本漁釣賞心隨去留  
惜哉曠微月歆濟無輕舟倏忽令人老相思河水流

李新鄉頌三首

贈王威古

三十羽林將出身常事邊春風吹淺草獵騎何翩翩  
插羽兩相頸鳴弓新上絃射麋入深谷飲馬投荒泉  
馬上共傾酒野中聊割鮮相看未及飲襍虜寇幽燕  
烽火去不息胡山高際天長驅救東北戰解城亦全  
報國行赴難古來皆共然

王家少婦

十五嫁王昌盈盈入畫堂自矜年取少復倚婿為郎  
舞愛前谿淥歌憐子夜長閑來鬪百草度日不成妝

崔司勳顯二首

寄閻防

青冥南山口君與緇錫隣深路入古寺亂花隨莫春  
紛紛對寂寞徃徃落衣巾松色空照水經聲時有人  
晚心復南望山遠情獨親應以修徃業亦唯立此身  
深林度空夜烟月資清真莫嘆文明日彌年徒隱淪  
暮秋揚子江寄孟浩然

木葉紛紛下東南日烟霜林山相晚暮海天空清蒼  
暝色况復久秋聲亦何長孤舟兼微月獨夜仍越鄉  
寒笛對京口故人在襄陽詠思勞今夕江漢遙相望

劉夏縣春虛二首

出青門望南山別業

舊居在南山夙駕自城闕  
榛莽相蔽虧去爾漸趨忽  
散漫餘雪晴蒼茫季冬月  
寒風吹長林白日原上沒  
懷抱曠莫伸相知阻胡越  
弱年好栖隱鍊藥在巖窟  
及此離垢氛興來亦因物  
末路期赤松斯言庶不伐

薛司議據一首

山下晚晴

寥寥遠天淨谿路何空濛  
斜光照踈雨秋氣生白虹  
雲盡山色暝蕭條西北風  
故林歸宿處一葉下梧桐

崔進士曙一首

雜詩

逢着平樂兒論交鞍馬前  
興酣一斗酒恰用十千錢  
後余在關內作事多迍邅  
何肯相救援徒聞寶劍篇  
崔司馬國輔一首

鄉賦後自鞏還田家因謝鄰友見過之作

雞鳴出東邑馬倦登南巒  
落日見桑柘翳然丘中寒  
鄰家多舊識投暝來相看  
且問春稅苦兼陳行路難  
園場近陰壑草木易凋殘  
峯暗雪猶積澗深冰已團  
浮名知何用歲宴不成懽  
置酒共君飲當歌聊自寬

盧膳部象一首

齊州送祖三

相逢方一笑相送還成泣祖帳已傷離荒城復愁入  
天寒遠山淨日暮長河急解纜君已遙望君猶佇立  
春中田家作

屋上春鳩鳴村邊杏花白持斧伐遠楊荷鋤覘泉脉  
新燕識舊巢舊人看新曆臨觴忽不御惆悵遠行客

渭川田家

斜光照墟落窮巷牛羊歸野老念僮僕倚杖候荆扉  
雉雉麥苗秀蠶眠桑葉稀田夫荷鋤立相見語依依

即此羨閒逸悵然歌式微

羽林騎闈人

秋月臨高城城中管絃思離人堂上愁稚子階前戲  
出門復映戶望均青絲騎行人過款盡狂夫終不至  
左右寂無言相看共垂淚

過李揖宅

閑門秋草色終日無車馬客來深巷中大吠寒籬下  
散髮時未簪道書行尚把與我同心人樂道安貧者  
一罷宜城酌還歸洛陽杜

崔灑陽兄季重前山興

秋色有佳興况君池上閒悠悠西林下自識門前山  
千里橫黛色數峯出雲間嗟峨對秦國合沓截荆關  
殘雨斜日照夕嵐飛鳥還故人今尚爾嘆息此顏顏  
西施咏  
艷色天下重西施寧久微朝為越溪女暮作吳宮姬  
賤日豈殊衆貴來方悞稀邀人傳脂粉不自着羅衣  
君寵益嬌態君憐無是非當時浣紗伴莫得同車歸  
持謝鄰家女效顰安可希

冬日遊覽

步出城東門試騁千里目青山橫蒼林赤日團平陸  
渭北走邯鄲關東出函谷秦地萬方會來朝九州牧  
雞鳴咸陽中冠蓋相追逐丞相過列侯群公餞光祿  
相如方老病獨歸茂陵宿

宿鄭州

朝與周人辭暮投鄭人宿他鄉絕儔侶孤客親僮僕  
宛洛望不見秋霖晦平陸田父草際歸村童雨中牧  
主人東臯上時稼繞茅屋蟲思機杼鳴雀喧禾黍熟  
明當渡京水昨晚猶金谷此去欲何言窮邊狗微祿

觀別者

青青楊柳陌陌上別離人愛子遊燕趙高堂有老親



不行無可養行去百憂新切切委兄弟依依向四鄰  
都門悵飲畢從此謝賓親揮淚逐行侶含悽動征輪  
車從望不見時時起行塵余亦辭家者看之淚滿巾

贈祖三詠

蠨蛸挂虛牖蟋蟀鳴前除歲晏涼風至君子復何如  
高館閒無人離居不可道閉門寂已閉落日照秋草  
雖有近音信千里阻河關中復客汝穎去年歸舊山  
結交二十載不得一日展貧病子旣深契濶余不淺  
仲秋雖未歸莫秋以為期良會詎幾日中自長相思

藍田石門精舍

落日山水好漾舟信歸風玩竒不覺遠因以緣源窮  
遙愛雲木秀疑路不同安知清流轉偶與前山通  
捨舟理輕策果然愜所適老僧四五人逍遙蔭松柏  
朝梵林未曙夜禪山更寂道心及牧童世事問樵客  
暝宿長林下焚香臥瑤席澗芳襲人衣山月映石壁  
再尋畏迷誤明發更登歷笑謝桃源人花紅復來覲  
休暇還舊業便使

謝病始告歸依依入桑梓家人皆佇立相候柴門裏  
時輩皆長年成人舊童子上堂家慶畢願與婚親齒  
論舊忽餘悲目存且相喜田園轉蕪沒但有寒泉水

衰柳日蕭條秋光清邑里入門乍如昨休騎非便止  
中飯顧王程離憂從此始

歎白髮

我年亦何長鬢髮日已白俛仰天地間能為幾時客  
惆悵故山雲徘徊空日夕何事與時人東城復南陌

李陵詠

漢家李將軍三代將門子結髮有奇策少年成壯士  
長驅塞門兒深入單于壘旌旗列相向簫鼓悲何已  
日暮沙漠陲戰聲烟塵裏將令驕虜滅豈獨名王侍  
既失大軍援遂嬰穹廬耻少小蒙漢恩何堪坐思此

深衷欲有報投軀未能死引領堦子卿非君誰相理

王右丞摩詰十五首

猛虎詞

寒亦不憂雪饑亦不食人人肉豈不甘所惡傷明神  
大室為我宅孟門為我鄰百獸為我膳五龍為我賓  
蒙馬一何威浮江亦以仁彩章耀朝日爪牙雄武臣  
高雲逐氣浮厚地隨聲震君能曹餘勇日夕長相親

效古

晨登涼風臺莫走邯鄲道曜靈何赫烈四野無青草  
大軍北集燕天子西居鎬婦人役州縣丁男事征討

老幼相別離哭泣無昏早稼穡既殄絕川澤復枯稿  
曠哉遠此憂冥冥商山皓

東風吹大河河水如倒流河洲塵沙起有若黃雲浮  
頽霞燒廣澤洪曜赫高丘野老泣相語無地可蔭休  
翰林有客卿獨有蒼山憂中夜起躑躅思欲獻厥謀  
石門峻且深跪足空夷猶

雜詩

坏渾本無象末路多是非達士志寥廓所在能忘機  
耕鑿時未至還山聊采薇虎豹對我蹲鸞鶴傍我飛  
仙人空中來謂我勿復歸格澤為君駕虹蜺為君衣

西遊崑崙墟可與世人違

田家雜興

春至倉庚鳴薄言向田野不能自力作黽勉娶鄰女  
既念生子孫方思廣田圃閒時相顧笑喜悅好禾黍  
夜夜登嘯臺南望洞庭渚百草被霜露秋山響砧杵  
却羨故年時中情無所取

衆人耻貧賤相與尚膏腴我情既浩蕩所樂在畋漁  
山澤時晦暝歸家暫閑居滿園種葵藿遠屋樹桑榆  
禽雀知我閒翔集依我廬所願在優游州縣莫相呼  
日與南山老兀然傾一壺

唐雅 卷三 五 一 文三 山堂  
逍遙阡陌上遠近無相識落日照秋山千巖同一色  
網罟繞深莽鷹鷂始輕翼獵馬既如風奔獸莫敢息  
駐旗滄海上犒士吳宮側楚國有夫人性情本貞直  
鮮禽徒自美終歲竟不食

楚山有高士梁國有遺老築室既相鄰同田復同道  
糗糒常共飯兒孫每更抱忘此耕耨勞愧彼風雨好  
蟪蛄鳴空澤鷓鴣傷秋草日夕寒風來衣裳若不早

六

貧士養情性不復知憂樂去家行賣畚留滯南陽郭  
秋至黍苗黃無人可刈穫孺子朝未飯把竿逐鳥雀

忽見梁將軍乘車出宛洛意氣軼道路光輝滿墟落  
安知負薪者啞啞笑輕薄

種桑百餘樹種黍三十畝衣食既有餘時時會賓友  
夏來菰米飯秋至菊花酒孺人喜逢迎稚子解趨走  
日暮間園裏團團蔭榆柳酌酎乘夜歸涼風吹戶牖  
清淺望河漢低昂看北斗數獲猶未開明朝能飲否

八

田家趨隴畝當書掩虛關鄰里無烟火兒童共幽閑  
枯槁懸空圃雞犬滿桑間時來農事隙采藥遊名山  
但念所采多不言路險艱人生如蜉蝣一往不可攀

君看西王母千載美容顏

同十三維偶然作

野老本貧賤冒雨鋤瓜田一畦未及終樹下高枕眠  
 荷蓀者誰子皤皤來息肩不復問鄉墟相見但依然  
 腹中無一物高話羲皇年落日臨層城逍遙望秦川  
 使婦提蠶筐呼兒榜魚船悠悠泛淥水去摘浦中蓮  
 蓮花艷且妍使我不不得還仲夏日中時草木看欲焦  
 田家惜工力把鋤來東臯顧望浮雲陰徃徃誤傷苗  
 歸來悲困極兄嫂共相饒無錢可沽酒何以解劬勞  
 夜深星漢明庭宇虛寥寥高柳三五株可以獨逍遙

田家即事

蒲葉日已長荇花日已滋老農要看此貴不違天時  
 迎晨起飯牛雙駕耕東菑蚯蚓土中出田鳥隨我飛  
 羣合亂啄噪嗷嗷如道饑我心多惻隱顧此兩傷悲  
 撥食與田鳥日暮空筐歸親戚更相誚我心終不移

遊茅山

平生非作者望古懷清芬心以道為際行將時不羣  
 茲山在人境靈貺久傳聞遠勢一峰出近形千嶂分  
 冬春有茂草朝暮多鮮雲此去亦何極但言西日曛

二

昔賢居柱下今我去人間良以直心曠兼之外視閒  
垂綸非釣國好學異希顏落日登高嶼悠悠望遠山  
溪流碧水去雲帶清陰還想見林中士巖扉長不關

夜到京口入黃河

河洲多青草朝暮增客愁客愁惜朝暮枉渚暫停舟  
中宵大川靜解纜逐歸流浦溆既清曠汭洄非阻脩  
登艫望落月擊汰悲新秋儻遇乘槎客永言星漢游  
行子苦泊夾舟貽潘少府

行子苦風潮維舟未能發宵分卷前幙臥視清秋月  
四澤蕪葭深中洲烟火絕蒼蒼水霧起落落踈星沒  
所遇盡漁樵與言多楚越其如念極浦又以思明哲  
常若千里餘况之異鄉別

過新豐道中

西下長樂坡東入新豐道雨多車馬稀道上生秋草  
大陰閱臯陸不知晚與早雷雲杳冥冥川谷漫浩浩  
詔書植嘉木衆言桃李好自愧無此容歸從漢陰老  
喫茗粥作

當晝暑氣盛鳥雀靜不飛念君高梧陰復解山中衣  
數片遠雲度曾不蔽炎暉淹留膳茶粥共我飯蕨薇  
敝廬既不遠日暮徐徐歸

釣漁灣

垂釣淥灣春春深杏花亂潭清疑水淺荷動知魚散  
日暮待情人維舟綠楊岸

題太玄觀

門外車馬喧門裏宮殿清行即翳若木坐即吹玉笙  
所喧既非我真道其冥冥

幽居

幽人下山徑去去夾清林滑處莓苔濕暗中蘿薜深  
春朝烟雨散猶帶浮雲陰

儲御史光羲二十二首

宿天竺寺

松栢亂岩口山西微徑通天門一峰見宮闕生虛空  
正殿倚霞壁千樓標石叢夜來猿鳥靜鐘梵寒雲中  
岑翠映湖月泉聲亂溪風心超諸境外了與懸解同  
明發氣候改起視長厓東湖色濃蕩漾海光漸曠隴  
葛仙跡尚在許氏道猶宗獨徃古來事幽懷期二公

出蕭關

驅馬擊長劔行役至蕭關悠悠五原上永眺關河前  
北虜三十萬此中常控弦秦城亘宇宙漢帝理旌旛  
刁斗鳴不息羽書日夜傳五軍計莫就三策議空全

唐詩 卷三 十一  
大漠橫萬里蕭條絕人烟孤城當瀚海落日熒祈連  
愴然苦寒奏懷哉式微篇更悲秦樓月夜夜出胡天

陶禮部翰二首

和振上人秋夜懷士會

白露傷草木山風吹夜寒遙林夢親友高興發巖巒  
郭外秋聲急城邊月色殘瑤琴多遠思更為客中彈

采蓮

或作樂府

越女作桂舟還將桂為楫湖上水渺漫清江初可涉  
摘取芙蓉花莫摘芙蓉葉將歸問夫婿顏色何如妾

齋心

女蘿覆石壁溪水幽濛朧紫萋萋黃花娟娟寒露中  
朝飲花上露夜臥松下風雲英化為水光彩與我同  
日月蕩精魄冥冥天府空

東京府縣諸公與綦母潛李頎相送至白馬寺  
宿

鞍馬上東門徘徊入孤舟賢豪相追送即棹千里流  
赤岸落日在空波微烟收宦薄忘機恬醉來却淹留  
月明見古寺林下登高樓南風開長廊夏夜如涼秋  
江月照吳縣西歸夢中遊



代扶風主人答

殺氣凝不流風悲月彩寒浮埃起四遠遊子迷不歡  
依然宿扶風沽酒聊自寬寸心亦無理長鋏誰能彈  
主人就我飲頌我還慨然便泣數行淚因歌行路難  
十五役邊城三回討樓蘭連年不解甲積日無所食  
將軍降匈奴國使沒桑乾去時三十萬獨自還長安  
不信沙場苦君看刀箭癢鄉親零落盡塚墓亦摧殘  
仰攀青松枝慟哭摧心肝禽獸悲不去路傍誰忍看  
幸逢休明代寧宇靜波瀾老馬思伏櫪長鳴力已殫  
少年與運會何時發悲端天子初封禪賢良刷羽翰

三邊悉如此否泰亦須觀

王汜水昌齡五首

寓言

春草紛碧色佳人曠無期悠哉千里心欲採商山芝  
嘆息良會晚如何桃李時懷君晴川上佇立夏雲滋  
賈舍人至一首

讀後漢逸人傳

子陵沒已久讀史思其賢誰謂潁陽人千秋如比肩  
嘗聞漢皇帝曾是曠周旋名位苟無心對君猶可眠  
東過富春渚樂此佳山川夜臥松下月朝看江上烟

釣時如有待釣罷應忘筮生事在林壑悠悠經莫年  
于今七里灘遺跡尚依然高臺竟寂寞流水空潺湲

張禮部正言一首

宋中

梁王昔盛時賓客復多才悠悠一千年陳迹唯高臺  
寂寞向秋草悲風千里來

薊門行

邊城十一月雨雪亂霏霏元戎號令嚴人馬亦輕肥  
羌胡無盡日征戰幾時歸

哭單父梁九少府洽

開篋淚沾臆見君前日晝夜臺今寂寞猶是子雲居  
疇昔貪靈竒登臨賦山水同舟南浦下望月西江裏  
契濶多別離綢繆到生死九原即何處萬事皆如此  
晉山徒峨峨斯人已冥冥常時祿且薄歿後家復貧  
妻子在遠道弟兄無一人十上多辛苦一官常自哂  
青雲將可致白日忽先盡惟有身後名空留無遠近

登子賤琴堂

宓子昔為政鳴琴登此臺琴和人亦閒千載稱其才  
臨眺忽悽愴人琴安在哉悠悠此天壤唯有頌聲來  
登百丈峯

唐雅 卷三 世一 文三 山堂  
朝登百丈峯遙望燕支道漢壘青冥間胡天白如掃  
憶昔霍將軍連歲此征討匈奴終不滅寒山徒草草  
唯見鴻鴈飛令人傷懷抱

薊中作

策馬自沙漠長馳登塞垣邊城何蕭條白日黃雲昏  
一到征戰處每愁胡虜翻豈無安邊書諸將已承恩  
惆悵孫吳事歸來獨閉門

高常侍達夫六首

莫秋山行

疲馬下長坂夕陽下通津山風吹空林颼颼如有人

蒼旻霽涼雨石路無飛塵千念集莫節萬籟悲蕭晨  
鷓鴣昨夜鳴蕙草色已陳况在遠行客自然多苦辛  
終南雲際精舍尋法澄上人不遇歸高冠東潭  
石淙望秦嶺微雨作貽友人

昨夜雲際宿旦從西峯回不見林中僧微雨潭上來  
諸峯皆晴翠秦嶺獨不開石鼓有時鳴秦王安在哉  
東南雲開處突兀獼猴臺崖口懸瀑流半空白磴磴  
噴壁四時雨傍村終日雷北瞻長安道日夕多塵埃  
若訪張仲蔚衡門滿蒿萊

與高適薛據同登慈恩寺浮圖

唐雅 卷三  
塔勢如湧出孤高聳天宮登臨出世界磴道盤虛空  
突兀壓神州崢嶸如鬼工四角凝白日七層摩蒼窮  
下窺指高鳥俯聽聞驚風連山若波濤奔湊似朝東  
青槐夾馳道宮館何玲瓏秋色從西來蒼然滿關中  
五陵北原上萬古青濛濛淨理了可悟勝因夙所宗  
誓將掛冠去覺道資無窮

終南雙峯草堂

歛跡歸山田息心謝時輩晝還草堂卧但見雙峯對  
興來恣佳遊事愜符勝槩著書高窓下日夕見城內  
曩為世人誤遂負平生愛久與林壑辭及來衫松大

偶慈精廬近數預名僧會有時逐漁樵盡日不冠帶  
厓口上新月石門破蒼靄色向群木深光搖一潭碎  
緬懷鄭生谷頗憶嚴子瀨勝事猶可追斯人邈千載  
送王大昌齡赴江寧

對酒寂不語悵然悲送君明時未得用白首徒攻文  
澤國從一官滄浪幾千里群公滿天闕獨去過淮水  
舊家富春渚嘗憶臥江樓自聞君欲行頻望南徐州  
窮巷獨閉門寒鐙靜深屋北風吹微雪抱被肯同宿  
君行到京口正是桃花時舟中饒孤興湖上多新詩  
潛虬且深蟠黃鶴飛未晚惜君青雲器努力加飡飯

岑嘉州參六首

寄張徵古

寂歷遠山意微暝半空碧綠蘿無冬春彩烟竟朝夕  
張子海內奇耐為巖中客聖君勞夢想安得老松石

沈橫陽如筠一首

夏日歎

夏日出東北陵天經中街朱光徹厚地鬱蒸荷由開  
上蒼久無雷無乃號令乖雨降不濡物良田起黃埃  
飛鳥苦熱死池魚涸其涯萬人尚流冗舉目唯蒿萊  
至今大河北盡作虎與豺浩蕩想幽薊王師安在哉

對食不能飡我心殊未諧眇然貞觀初難與數子偕

夏夜歎

末日不可暮炎蒸毒我腸安得萬丈風飄颻吹我裳  
昊天出華月茂林延踈光仲夏苦夜短開軒納微涼  
虛明見纖毫羽蟲亦飛揚物情無巨細自適固其常  
念彼荷戈士窮年守邊疆何由一洗濯執熱互相望  
竟夕擊刁斗喧聲連萬方青紫雖被體不如早還鄉  
北城悲笳發鸛鶴鳴且翔况復煩促倦激烈思時康

遣興

朔風飄胡雁慘澹帶砂礫長林何蕭蕭秋草淒更碧

北里富薰天高樓夜吹笛焉知南隣客九月猶絺綌  
長陵銳頭兒出獵待明發驛弓金瓜鎬白馬蹤微雪  
未知所馳逐但見暮光滅歸來懸兩狼門戶有旌節

二

漆以用而割膏以明自煎蘭摧白露下桂折秋風前  
府中羅舊尹沙道尚依然赫赫蕭京兆今為時所憐

三

朝逢富家葬前後皆輝光共指親戚大總麻百夫行  
送者各有死不須羨其強君看束縛去亦得歸山岡

四

